



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epitome Tribvnalis Sacramentalis Reverendissimi Patris Petri Marchantii

Zurmöllen, Heinrich

Neuhusii, 1677

Art. 6. De obligationibus potestatis Civilis ad rationem honesti

urn:nbn:de:hbz:466:1-9734

fecti, in illa re aliquid conferre possent, cum, etsi suorum locorum defensio sit ipsis concedita, nullatenus tamen immunitas ad illorum personas pertineat, sed locum sequatur.

Articulus Sextus.

De Obligationibus Potestatis Civilis ad rationem honesti.

1. **H**onestum in hac materia nihil aliud est, quam quod rationi rectæ Consentaneum & conforme est, & ab hoc honesto sic dicto, derivatur honestas quam describit Gerson, *Tract. 12. super Magnificat. collat. 1. honoris statum, terminum boni, finem honoris*, eo, enim ipso quo actio humana rationi rectæ conformis est, aliquem gradum moralis bonitatis participat; sicq; vocatur terminus boni, & quia gradus bonitatis æstimatione dignus est, & virtuti alicui affinis, honor illi debetur; tandem quia persona ob illam actionem honore digna est, honestas finis honoris nuncupatur.

2. Legibus itaque honesti, & honestati
potestas

potestas Civilis ſive Regia, ſive inferior quacunque ita continetur, ut ſi quid contra præſumat, pro qualitate exceſſus graviffimis peccatis, ſe & ſubditos, leges obſervantes liget. Quia omnis potestas legitima à Deo ordinata eſt, repugnat autem divinæ Ordinationi, quidquid Directrici rationis rectæ adverſarium eſt, ratio enim recta, participatio quædam eſt, divinæ & æternæ rationis, quæ eſt menſura omnis rectitudinis ac honeſtatis, à qua proinde in legibus voluntarie deviare, ſicut ſummæ amentię eſt, ſic & ſummæ prævaricationis: & ad hanc limam probandæ ſunt primum leges potestatis Civilis, ſi enim quid contineant inhoneſti, hoc ipſo prohibitæ ſunt, nec licet illis obedire.

Articulus Septimus.

De Obligatione Potestatis Civilis ad Juſtitia ac Juris leges.

1. **N**ihil Regibus licet agere contra juſ naturale vel divinum poſitivum, adeoque legibus divinis, naturalibus & poſitivis, Reges & conſequenter omnis potestas